

Broj: 01-14.3-1116-4/15  
Datum: 21.09.2015. godine

Na osnovu člana 72. stav (3) Zakona o javnim nabavkama („Službeni glasnik BiH“ broj 39/14), direktor Federalnog zavoda za statistiku, na prijedlog Komisije za javne nabavke, donosi

## ODLUKU

### I

Poništava se Odluka o izboru najpovoljnijeg ponuđača broj 01-14.3-1116-4/15 od 09.09.2015. godine po provedenom konkurentskom postupku za izbor najpovoljnijeg ponuđača za nabavku kancelarijskog materijala, a po obavještenju o nabavci broj 419-7-1-19-37/15 objavljenom na portalu javnih nabavki dana 21.08.2015. godine.

### II

Najpovoljnijim ponuđačem u navedenom postupku za nabavku kancelarijskog materijala proglašava se ponuđač **Ferimerc d.o.o. Sarajevo** sa ponuđenom cijenom od 27.913,82 KM.

### Obrazloženje

Nakon upućivanja poziva za dostavu ponuda za nabavku kancelarijskog materijala putem konkurentskog postupka i objavljivanja obavještenja o nabavci na portalu javnih nabavki, tri zainteresovana ponuđača su dostavila ponude.

Komisija je utvrdila da su ponude blagovremene, kao i da ispunjavaju kvalifikacione uslove propisane tenderskom dokumentacijom, kao i uslove propisane tehničkom specifikacijom.

Ponuđač koji je izabran kao najpovoljniji (Primaprom d.o.o. Banjaluka) je ujedno pozvan da u roku od pet dana od dana prijema odluke o izboru najpovoljnijeg ponuđača dostavi dokumentaciju kojom dokazuje ispunjavanje uslova navedenih u dostavljenim izjavama.

Ponuđač Primaprom d.o.o. Banjaluka je u ostavljenom roku dostavio dokumentaciju kojom se dokazuje ispunjenost uslova navedenih u tenderskoj dokumentaciji.

Komisija je nakon uvida u dostavljenu dokumentaciju izabranog ponuđača Primaprom d.o.o. Banja Luka, konstatovala da izabrani ponuđač nije dostavio dokumente koji su traženi tačkom 14. tenderske dokumentacije, a za koje je dostavljena izjava o ispunjavanju traženih uslova.

Tačkom 14. tenderske dokumentacije propisano je da ponuđač, da bi učestvovao u predmetnoj javnoj nabavci mora ispunjavati sljedeće uslove:

- a) Da ima najmanje tri izvršena ugovora za isporuku kancelarijskog materijala u vrijednosti predmetne nabavke, u posljednje tri godine;
- b) Da je ponuđeni papir prve klase kvaliteta

U skladu sa navedenom tačkom tenderske dokumentacije, ponuđač Primaprom d.o.o. Banjaluka, koji je izabran kao najbolji u predmetnom postupku javne nabavke, bio je dužan dostaviti sljedeće dokumente kojima dokazuje činjenice navedene u izjavi i to:

- a) Spisak od najmanje tri izvršena ugovora za isporuku kancelarijskog materijala u vrijednosti predmetne nabavke u posljednje tri godine uz potvrde ugovornih organa kod kojih je usluga realizovana.
- b) Certifikat kojim se potvrđuje da je ponuđeni papir I klase kvaliteta

S obzirom da ponuđač Primaprom d.o.o. Banjaluka **nije** dostavio dokumentaciju koju je u skladu sa tačkom 14. tenderske dokumentacije i dostavljenim izjavama bio dužan dostaviti, Komisija za javne nabavke je predložila direktoru da ugovor o javnoj nabavci kancelarijskog materijala, u skladu sa članom 72. Zakona o javnim nabavkama, dodijeli ponuđaču čija je ponuda po rang-listi odmah nakon ponude najuspješnijeg ponuđača.

Kako je cijena drugorangirane ponude u okviru planiranih sredstava za predmetnu javnu nabavku, riješeno je kao u dispozitivu.

**Pravna pouka:** Protiv ove odluke je dozvoljena žalba. Žalba se izjavljuje Uredu za razmatranje žalbi, a podnosi se Federalnom zavodu za statistiku, u roku od 5 dana od dana prijema ove Odluke.

  
DIREKTOR  
Hidajeta Bajramović

**DOSTAVITI:**

1. Ponuđačima
2. Odsjeku za pravne, kadrovske i opće poslove
3. a/a

Broj: 01-143-1116-4/15  
Datum: 09.09.2015. godine

Na osnovu člana 70. Zakona o javnim nabavkama („Službeni glasnik BiH“ broj 39/14), direktor Federalnog zavoda za statistiku, na prijedlog Komisije za javne nabavke, donosi

## ODLUKU O IZBORU NAJPOVOLJNIJEG PONUĐAČA

### I

Najpovoljnijim ponuđačem po provedenom konkurentskom postupku za izbor najpovoljnijeg ponuđača za nabavku kancelarijskog materijala za potrebe Federalnog zavoda za statistiku, a po obavještenju o nabavci broj: 419-7-1-19-37/15, objavljenom na portalu javnih nabavki dana 21.08.2015. godine, proglašava se ponuđač **Primaprom d.o.o. Banja Luka**.

### Obrazloženje

Nakon upućivanja poziva za dostavu ponuda za nabavku kancelarijskog materijala putem konkurentskog postupka i objavljivanja obavještenja o nabavci na portalu javnih nabavki, osam zainteresovanih ponuđača je preuzelo tendersku dokumentaciju, dok su tri ponuđača dostavila ponude.

Komisija je nakon razmatranja svih dostavljenih ponuda utvrdila da su sve dostavljene ponude blagovremene, potpune, te da ispunjavaju tehničke uslove propisane tenderskom dokumentacijom.

Kako ponuda ponuđača Primaprom d.o.o. Banja Luka ispunjava sve uslove propisane tehničkom specifikacijom, te kako je ovaj ponuđač sa ponuđenom cijenom od 27.720,30 KM prema utvrđenom kriteriju „najniža cijena“ najpovoljniji, Komisija je predložila direktoru da ugovor o nabavci kancelarijskog materijala, dodijeli ponuđaču Primaprom d.o.o. Banja Luka.

Kako je tenderskom dokumentacijom utvrđeno da se dodjela ugovora u predmetnom postupku javne nabavke zasniva na najnižoj cijeni tehnički zadovoljavajuće ponude, to je odlučeno kao u dispozitivu.

**Pravna pouka:** Protiv ove odluke je dozvoljena žalba. Žalba se izjavljuje Uredu za razmatranje žalbi, a podnosi se Federalnom zavodu za statistiku, u roku od 5 dana od dana prijema ove Odluke.



DIREKTOR  
*Hidajeta Bajramović*  
Hidajeta Bajramović

#### DOSTAVITI:

1. Ponuđačima
2. Odsjeku za pravne, kadrovske i opće poslove
3. a/a